

宋

會

要

全唐文

宋會要

風伯雨師雷神壇

淳熙七年正月二十七日詔禮部太常寺參稽典故將
州縣祭風伯雨師雷神壇壝器服制度禮儀類成一書
鏤版頒降從禮部侍郎齊慶胄請也

宋會要

五龍祠

京城東春明坊五龍祠 太祖建隆三年自元武門徙于此 國朝緣唐祭五龍之制春秋常行其祀用中祀禮 真宗大中祥符元年四月詔脩飾神帳 哲宗元祐四年七月賜額 先是熙寧十年八月信州有五龍廟禱雨有應賜額曰會應自是五龍廟皆以此名額云 徽宗大觀二年十月詔天下五龍神皆封王爵青龍神封廣仁王赤龍神封嘉澤王黃龍神封孚應王白龍神封義濟王黑龍神封靈澤王

金樓子

興王篇漢世祖文叔嘗夢乘赤龍登天上珠階玉闥

帝王世紀

豐公家于沛之豐沛邑之陽里其妻夢赤馬若龍戲已而生執嘉是為太上皇太上皇也

唐繪

崔湜弟液字潤甫尤工五言詩湜歎因自呼曰海子我家龜龍也

鴻慶宮

宋會要 祠宮觀附

大中祥符七年正月詔曰睢陽興壤藝祖舊邦應命歷
以天飛創基圖而日新朕躬朝渴水茂集蕃禧旋幸平
臺緬懷積德想清都之錫類慶鴻緒之無疆奉真像以
顯昂建靈宮以曲密洪惟二聖敷佑萬方故當陪仙御
於福廷儼宸儀於恭館南京新修聖祖殿宜號曰鴻慶
宮仍奉安太祖太宗像八月遣都知閤承翰內侍楊懷
古奉像至歸德殿後正位權安天聖元年三月修殿成
詔知制誥張師德奏告南京內城迎聖像奉安四年十
月又奉安真宗御容康定元年六月經火別建齋殿供
養慶曆六年十二月又詔重修三聖御容殿七年六月

鳳臺宮

命翰林學士張方平往奉安右奉太祖太宗真宗神御
宋會要

京都雜錄東京大內次北有之

宋會要

天聖八年正月差內侍張懷恩就永安縣紫玉山置宮
九年閏十一月十五日宮成詔遣三司使晏殊上御藥
供奉羅崇勲江德用自京迎太祖太宗真宗聖像至宮
奉安仍改訾玉山為鳳臺山治平三年九月二日龍圖
閣直學士李柬之相度仁宗神御殿乞免鳳臺村戶絕
地土租稅四年十二月三日戶部副使蘇宋內侍押班
王守規相度英宗神御以降真殿第六間奉安並如其

上清寶籙宮

請熙寧二年五月九日迎奉仁宗英宗御容赴文德殿
十三日上親行酌獻之禮乃赴西京二十二日奉安右
奉太祖太宗真宗仁宗英宗神御

宋會要

致和初詔於景龍寺東對晨暉門作上清寶籙宮五年
九月二十日詔上清寶籙宮隸京城所提舉管轄仍差
蓋從熙充提舉黃冕充提點是年十二月一日御製寶
籙宮仁濟輔正亭記云闕宮隅外墻東北地踰頃作室
百堵名之曰上清寶籙宮中殿以事高真號曰始清西
以奉本命號曰天祥東以居其徒集修身學道羽衣之
士請命上帝以受金籙行正一靈文玉笥考照法又即

宮門之西於臨道衛營屋數十楹中建亭曰仁濟選其
徒脩潔禁行者使行其術以濟萬民朕潔精齋戒洗心
凝神書符呪水以賜日以千計不遑暇逸勞不自憚於
攜幼扶老策杖肩輿旬旬雜遝至者萬有餘衆一亭不
足容增其北更為亭曰輔正徽宗政和六年二月一日
上清寶籙宮道院奏乞每歲撥放重行及紫衣師號及
遇天寧節詣內東門進奉功德疏乞汴河船一隻西至
河陰汜水東西淮南兩浙般載柴灰米麥雜物乞免力
勝商稅牌一面乞菜園墳地共伍頃於都城外或畿內
係官諸色田地內踏逐標撥乞銅朱記申發公文使用
詔並從之

龍德宮

宋會要 宮

徽宗元符三年

未改元

二月二十四日詔懿親宅潛邸

賜名龍德宮管勾官令入內侍省取旨大觀元十月十

二日上批龍德宮五日一次提舉官宿於本廳日輪提

點官宿於本廳勾當官一員宿於解舍已上遇疾患事

故在假即輪當官政和四年三月十五日侍衛步軍

司奏提舉龍德宮直睿思殿同提舉大晟府楊戩奏奉

聖旨侍衛步軍司可特差借宣効六軍兵士二百人帶

行見請諸般請給日下發遣龍德宮役使充本宮實占

祇應與免諸處差借揀選體量向去有關依此差借如

有拘礙特依今來指揮詔割移名糧充龍德宮清衛關

額欽宗靖康元年四月七日以太中大夫門下侍郎耿南仲為正奉大夫資政殿學士朝散大夫王易簡為中大夫中書舍人譚世勛李熙靖並為顯謨閣待制提舉醴泉觀主管龍德宮五月一日宰臣徐處仁等言陛下躬聽機政不得侍上皇於別宮視膳問寢之念每形辭旨乞詔提舉龍德宮官日具道君起居平安以聞庶慰聖孝晨夕企慕之意從之

神霄玉清
萬壽宮

宋會要

徽宗政和七年二月十三日詔神霄玉清萬壽宮如小
州軍監無道觀以僧寺改建如有道觀處止更名仍于
殿上設長生大帝君青華帝君像二十三日臣僚言州
府軍監內以僧寺為神霄玉清萬壽宮乞從有常住并
殿宇圓備有莊產寺改充從之五月一日詔天下神霄
玉清萬壽宮歲度童行紫衣並未改宮以前數日降賜
如元無額即並賜歲度童行紫衣各一道二十二日知
杭州徐鑄奏乞神霄玉清萬壽宮添撥田共二十頃於
浙西逐州有管諸司堪好田內揀撥應副詔依如違以
大不恭論六月二十八日尚書省言諸州將寺院改建

神霄玉清萬壽宮舊有莊田賃屋合依天寧萬壽觀已
降指揮免納夏秋二稅及房廊賃錢從之七月二十二
日詔諸路州軍應改寺作神霄玉清萬壽宮大州軍並
先期告諭限半月遷徙如接便搔擾許人告賞錢三百
貫犯人決配千里九月十六日中書省言諸神霄玉清
萬壽宮與免支移折變從之八年^{二月}二十日詔曰朕嗣
嗣守大位賴帝博臨高真屢降祥應杳至萬邦咸寧深
惟脩報之誠無得而稱詔天下作神霄玉清萬壽宮奉
上帝君大君之祀以嚴報稱與天下祈福將暮年于茲
而三數州玩弛弗虔曾不肅給明宮齋廬或粗設貌像
或僅容數士樊陋不蠲弗稱明靈羽流陳訴輒被刑戮

立所望哉其令諸路提刑廉訪巡按所至躬詣新宮瞻
視考驗究其避就觀其廢舉察其施設具奏將有攷焉
五月二日詔諸州神霄玉清萬壽宮並依在京宮觀體
例同日詔兩浙路漕臣詹度差提舉本路神霄玉清萬
壽宮通判帶同字七月三日詔宰臣可魚神霄玉清宮
使執政官充副使判官聽旨差自改官制不置使名候
道教興隆宮宇悉備即罷四月開封尹盛章奏乞依天
下州軍知州帶管幹神霄玉清萬壽宮宇以嚴聖主宗
奉上真之意詔府尹充管判少尹充管幹在京神霄玉
清萬壽宮十四日詔天下神霄玉清萬壽宮門可視至
聖文宣王廟立戟以稱崇奉十五日河東路轉運判官

王似言本路神霄玉清萬壽宮有本州見無戶絕折納
田去處欲于隣近他州有戶絕折納田處貼撥候本州有
田日逐旋却行改撥從之八月二十九日提舉上清寶
籙宮王詔言欲逐州差親民文臣專切管幹神霄玉清
萬壽宮詔本路提舉漕臣于逐州軍并縣鎮選擇寄居
宮觀年六十已下通判資序已上人一員申尚書省就
差管幹閏九月四日左右街道錄院言折可求奏乞降
賜道教法物及先天紀文字看詳道教法物係在先天
紀文字內今先乞下醴泉觀藏經內闕借抄錄到一部
計三十六卷詔付所屬官司頒降十月二十二日廣南
東路轉運判官燕瑛言道教方興宜立殿最之法應今

後知通並十日一詣神霄宮檢察仍以所檢察事置籍
書之其提舉本宮官歲遍所部其當職官奉行優劣以
聞從之十一月十日詔諸路漕臣提舉神霄玉清萬壽
宮鑄造銅印一面給付以提舉某路神霄玉清萬壽宮
印為文 宣和元年四月十一日詔天下神霄玉清萬
壽宮已賜田產房廊道業並交割付本宮掌首置歷更
用更不隸州郡掌管前後所降知通檢察考課指揮更
不施行八月二十三日以宮成降德音于西京諸道四
年九月二十七日詔今後應神霄宮知副有闕聽逐處
于道士內不以有無官品推舉實學業素著為眾所推
之人本州守貳審察保明降敕差補

六年閏三月二

十七日詔奉使及監司等官巡歷經過州軍並令詣神霄宮朝拜著在甲令今後如遇夜入城並于次日朝拜若公事急速自合依免赴七年二月十七日詔以處士劉知常所造神霄玉清寶輪令提舉道錄院賜在京神霄玉清萬壽宮奉安寶藏餘賜外州軍神霄玉清宮奉安寶藏禮儀使差太師魯國公蔡京都大管幹官差張道濟欽宗靖康元年二月十三日詔罷宰執兼神霄玉清萬壽宮去處使副七月四日詔諸路州軍先以僧寺改建神霄玉清萬壽宮去處已降指揮給還田土所有元賜名額合依政和八年正月六日敕文許令緣化修建從禮部請也光堯皇帝建炎元年六月四日尚

書省言近降敕文內天下神霄宮並罷舍屋什物錢糧
田產州縣拘收具數申尚書省詔江寧府神霄宮元係
保寧寺鎮江府係龍游寺泗州係普照寺洪州係上藍
寺並給還其餘州軍內有元係古寺改建者令本州開
具以聞應初建去處依敕施行七月一日尚書禮部言
東南神霄宮舊有賜田房錢并諸贍學錢合根括向推
計置銀絹前來應副國用

全唐文

宋會要

開元宮

嘉泰元年四月十九日詔可將潛邸府改充開元宮幹辦官差七居實今後作八內內侍省窠闕比附太一宮作上等三年替既而居實依太一宮體例裁減條具一今未開元宮將潛邸舊府創建崇奉香火乞以幹辦開元宮為名一所差幹辦本宮更不支破諸般請給等一本宮係創建將來降到金銀器皿酌獻醢器等及錢物入出關人掌管照得太一宮差置監真儀庫官一員專知官一員手分二名貼司一名共五人今乞減專知手分各一名止差三人內監庫官一員更不差置止差監

門一員兼掌管官物許於己未到部見任得替待闕大小使臣校副尉內指差理任酬賞請給等並依太一宮真儀庫官條例日後遇闕依此差取并乞差手分貼司各一名許於內外官司及白身人內指差理年遷補出職補授請給等並乞依太一宮體例一早晚焚脩合用道衆照得太一宮額管道士三十五人今乞減二十一人止差一十四人於內外宮觀踏逐指差有行道士赴宮仍不隸道正司所轄并免諸處差借如日後遇闕依此施行一本宮行移印記乞下文思院鑄造以幹辦開元宮印六字為文一照得太一宮昨於殿司差撥不披帶人兵七十人充把門掃洒守宿雜役創置寨屋並

割籍名糧赴宮幫勘今若依體例差撥竊緣開元宮別
無空隙地段創蓋寨屋今欲裁減四十人止乞下臨安
府差撥無過犯將兵三十人內節級人員二人止就本
將居住分番赴宮專聽差撥雜役洒掃巡防使喚照得
太一宮於臨安府差破茶酒帳設司四人今止乞差二
人所差人兵除本身見請外將兵每日各添貳茗帚等
錢五十文八員節級各七十文茶酒帳設司各添貳食
錢一百文並於臨安府按日支破遇闕依此差填一乞
下皇城司踏逐親事官二人充替背印投送文字並一
年一替一應行差到祇應人乞下皇城司支破勅號從
之四年六月三十日詔令臨安府於開元宮火德真君

殿之右創建關伯商邱宣明王殿其神像依典禮用王者之服先是臣僚言本朝王以大德於關伯之祀奉事尤謹況已封王爵今乃拂王爵而目為真官使之侍立於星像之側乞別建殿宇以彰國家崇祀大德之意禮部太常寺討論乞每歲立夏日差官祀開元宮先大德真君次商邱宣明王所用祭器祝版幣帛素饌等物應干事件並依見今太一宮體例故有是詔嘉定七年三月九日幹辦開元宮言本宮崇奉御前香火專管酌獻金銀器皿應干事件全藉曾經繁雜人任使緣差到人等諸事務即行替罷實為未便已差下姚序欲候任滿將上件監門員闕改作掌管官物使臣名稱不理資任

亦無酬賞其請給產募並依則例許於大小使臣校副尉吏職補授人差取如遇遷改事故依此差填從之九月二十三日詔開元宮承佃平江府吳江縣震澤鄉第十都荒補涇角字號沒官荒田一十三百畝特與免納租錢如有其他寺觀援例陳乞許令三有執奏十四年八月十五日詔撥平江府吳江縣震澤鄉成字記田四百三十一畝賜開元宮為業十六年九月二十一日詔開元宮係潛邸改為宮觀事體至重特免納租賦其餘寺觀不得援例

宮觀

慶邱一條
宜志

宋會要 景靈宮太極觀

太極觀在兗州真宗大中祥符五年閏十月詳定所言代見卿孔大尊聖
諭再降乃軒轅黃帝母夢靈感天人生于壽丘今兗州曲阜縣有壽丘代
望于壽丘建道宮以奉聖祖道觀以奉聖祖母詔建宮以景靈為名觀以
以太極為名建月兗州懷壽丘周回四及四至地步詳定所定所修景靈宮
太極觀並南開三門二重東西兩廊中建正殿接連雅殿及置道院齋廳
並量地之宜觀制度量減于宮詔入內東頭供奉官周懷政往彼與本州
畫圖相度施行 六年四月翰林天文邢中和言臣按壽丘東南有丘名
小丘按五行土志若山號不美者宜避望賜美名詔改曰慶丘 六月監
修兗州宮觀周懷政言功役兵匠營在側近者乞致款泊一月如願役者
依舊從之又以後兵稍多樞密請差御前忠佐軍頭一人却轄真宗曰本
州已有監押巡檢二員可令不住巡檢常輟一局同兵部轄 七月詔內
侍于萊州采玉石造聖像令本州道士就山致祭是月以右僕射開下侍
郎平章事王旦為兗州景靈宮朝修使旦言修景靈宮請用先天節或道
場畢詣至聖文宣王廟會直宮奉東岳廟真君觀望下體官恭酌儀制又
言路出兗州欲詣河清廟致奠並從之仍命在正宮直集賢院夏竦掌旦

踐殿 八月以入內押班周懷政為修克州宮觀都監是月王旦言壽丘
度丘除崇飾行禮外並望集人跡上從之二江以石累上有石廣丘設壽
星像又北有臺上建亭名安福 是月詔于宮北鑿河賜名廣源 是月
王旦言請令齊克州巡撫送管勾崇寧宮太極觀從之 九年二月詔修
崇寧宮副使林特詣宮設醮點檢營作 詔獎監修四正殿賜工牛各錢四
月內出御書克州宮殿額示近臣具儀故道門威儀教坊樂出正陽門赴
州安掛帶作七言詩賜王旦等五月十三日宮成凡樓殿齋宮廊舍總千
三百六十二區 一本西門曰左右太極北門曰左右迎福後門曰會寧景
靈宮正殿曰昭慶後殿曰天康前東西側門曰左右大安東西偏門曰左
右大明東道南門曰大順北門曰迎福後門曰迎會太極觀正殿曰安昌
後殿曰嘉福前東西側門曰左右延和東西偏門曰左右保和東道南門
曰迎和北門曰迎和 一本南門曰左右延和北門曰左右迎和 十四日詔
景靈宮使向敏中充克州崇寧宮觀慶成使行告成之禮入詔放士庶入
宮觀獎奇遊看五日賜向敏中丁謂林特夏味襲衣金帶紫帶青左 八
月詔自今京東轉運使知克州并兼管勾仙源院宮觀又以內殿承制張
承素管勾又選軍士三百給酒掃之役從之 天禧元年正月以司徒門

下侍郎平章事王旦為兗州大使觀奉三賢冊使景靈宮副使而書石壁
魚宗正卿趙安仁副之罷國閑待制李虛己押齋冊在正言集賢殿埋案
綬押仙衣二月詔兗州宮觀每月朔許士庶瞻拜

宋會要天授觀

天授觀在開封府陳留縣本漢祠良祠和九年十二月初賜忠佑廟
八年閏九月奉旨奉請詔賜今額

宋會要至道觀

合州赤水縣龍多山至道觀禹孟耀得熙元年九月封神妙真人

已移南

宋會要

旌忠觀

紹興元年十月二十二日秦鳳經畧吳玠言陝西出師禱於和尚原東南三聖廟屢獲靈應詔賜是額繼而張浚等再於臨安府別建本廟至紹興十九年領殿前都指揮使職事楊存中言靈應杜昭著乞復之以旌忠觀為額從之紹興二十二年八月二十二日詔以臨安府覺苑寺地建三聖旌忠觀舊觀在府城器道其地入德壽宮橋以別建時植命盧給之仍賜白金千兩

宋會要

寅威觀

大觀元年八月七日詔蜀州民程邁家墳地有火光紫氣之祥令速行遷葬可為奉真祈福之所且以其地新建為寅威觀降度牒二百道令轉運司運官營繕給常平司良田十頃歲遇天寧節許度童行二人賜紫衣一名

宋會要

醴泉觀

醴泉觀舊曰祥源真宗天禧二年閏四月詔拱聖營醴泉所宜度地立觀以祥源為名命東染院使鄧守恩督功興建宰相王欽若管勾觀在京城東南本拱聖營元年營中有見龜蛇者建真武堂是年泉涌堂側民疾飲

之多愈故有是詔自後常令會靈觀使都監掌之 五月詔修建正殿及
三小殿餘俟癸亥年興葺上梁賜將士器幣 六月詔加真武號曰真武
靈應真君 十月觀成凡三殿正殿曰崇真真武像也東曰廣聖刻御製
贊西曰靈淵即涌泉是日放士庶遊觀五日 四年九月詔增修觀 五
年五月上梁皇太子詣觀焚香賜御筵輔臣咸預十月畢功凡崇真殿前
設廣聖殿虛其中為齋薦之所東位建本命殿曰寶壽西位建齋殿曰昭
回泉西小殿曰棲神北門曰昭瑞西門曰顯祐觀前東西門曰左右華清
總神厨道院鍾經樓齋室廨宇六百三十道南有園曰靈禧東有山池亭
曰凝碧 一本齋殿曰講祥更太殿曰昭曰 仁宗天聖二年五月改安聖
殿為廣聖殿以興玉清昭應宮真宗神御殿名同也 六年三月詔改崇
真殿為靈真殿以興慈恩寺真宗神御殿名同故也皇祐五年三月詔改
靈真殿為靈應殿至和元年四月祥源觀火尋重修至二年十二月成詔
名曰醴泉先是觀火修畢而更其殿名靈應觀曰感通廣聖殿曰寧聖靈
淵殿曰涵清捷神殿曰靈游聖藻殿曰鴻祐開祥殿曰崇觀 哲宗元祐
元年三月十四日詔改醴泉觀慈壽殿為壽輝殿

崇寧寺觀

宋會要

徽宗崇寧二年九月十七日左僕射蔡京等劄子奏臣等伏以陛下適進先烈分別邪正明信賞罰上當天心今天寧屈伏請天下州軍各賜寺額以崇寧為名上祝壽算詔依所奏仍賜勅額每遇天寧節鎮州與紫衣度牒各一道其餘州軍監各與度牒一道許令任便修蓋候了逐旋奏取旨賜經一歲十月九日詔崇寧寺觀並依十方住持其披剃并紫衣自崇寧二年天寧節為始

如未有童行即仰所差主管僧道保明手下童行披剃
崇寧三年以後即依此施行所修寺觀不拘州城縣郭
及名山福地除係禁山林并禁地外如有官地不以有
無拘礙並許申監司指射撥充訖奏應有無名額寺觀
可以增廣就充或可移併並許本州一面施行或舊係
甲乙住持大寺觀僧道只有三五人可以撥充者亦仰
申尚書省併許諸色人緣化并州軍壁畫修建即不得
接便搔擾應修建竹木物料所在州軍給文憑前去計
置免緣路收稅十二月十七日詔崇寧寺不許官員
安泊居占三年正月二十七日詔崇寧寺惟得建置祝
聖壽道場行香及祈求外其餘行香並令就他寺二月

八日詔崇寧寺觀上添入萬壽二字崇寧寺主首依禪
寺選僧住持三月一日詔崇寧寺觀各給田十頃以天
荒等田撥充六月四日詔以崇寧萬壽寺為額十三日
勅應天下萬壽寺宣賜經及常住什物不許借出不得
客人賣携葷酒飲宴四年五月十四日詔天下修營崇
寧寺觀如敢科率以違制論二十三日詔諸路崇寧寺
觀鑄闕銅許給公據前去就場買銅二十五日詔諸路
人戶捨田土頃畝在崇寧寺觀與免納役錢大觀元年
五月二十八日詔崇寧寺觀並令漸次修整如科買科
配抑勤者徒二年不以失減論政和元年八月八日詔
天下崇寧萬壽寺觀並改作天寧萬壽觀寺三年十二

月六日詔罷印造賜崇寧寺經四年十一月二十五日
武岡軍言乞詔令天下天寧寺並依舊給元賜田土並
免納苗稅從之

宋會要通元觀

宣和五年三月十八日徽州言婺源縣有洞靈觀本有
洞三所祈求必應自唐中和間有開山道士鄭全福昇
仙之地見管殿一房廊共一百餘區奉三清功德四十
尊詔賜通元館為額

宋會要妙元觀

建炎二年二月十四江南東路轉運司言饒州德興縣

妙元觀宣和二年改為神霄宮下院今准敕赦罷神霄
宮乞還旧名從之

天慶觀

宋會要 觀

真宗大中祥符二年十月詔曰朕欽崇至德誕錫元符率土溥天與祐祥
之成祇望壇仙觀俾興作以故宜庶敦清淨之風水洽淳熙之化應天下
州府軍監園縣有金無官觀處擇空間官地以官錢及工匠建道觀一以
天慶觀為額若百姓願捨地及就官地臨時修者亦聽 五年閏十月詔
予新建觀置聖祖殿以官物充殿內身像及侍從令玉清昭應宮具儀式
降付 六年正月知雄州李元則言州無道觀以仁俸創北極殿蒙賜列
真觀額近奉詔在天慶觀當州別無地但遷就列真觀照故今又今修聖
祖殿已予觀北置得空地緣本觀未有三清玉皇殿今欲蓋造未知聖祖
殿合在三清殿前後云律式樣仍改賜天慶額為額詔從之仍下詳定學
士院準道藏所奏定三清為上玉皇次之聖祖又次之北極又次之凡觀
告清詞並依此次序今雄州殿宇欲依此兼應諸州天慶觀未並有三清
玉皇殿應如各建即依此若未偏造但擇殿宇依此設位從之 十二月
知惠州張若谷言奉詔修聖祖殿未蒙降制聖像神像人物得有軒轅廟
處並議修崇當州仙御山軒轅皇帝祠宮已重修正殿及添神從右開皇
帝得六祠而天下治命並尤明天道太常祭地利青龍辨東方祝融辨南

方大封辨西方后土辨北方又親御札有六人躬得天尊就坐以臣奉計
亡當時六相按唐天寶六年敕三皇五帝各有配享惟神農以祝融配黃
帝以后土配箕咎尤太常卿龍大封各未有配以臣愚見乞于黃帝殿
內安六相塑像并加誥號增入照位事下詳定所奏儀且乞所以加強
伏緣神靈之事不可始知恐難執據今請添入該照六位及于殿內安塑
像望今玉清應宮與聖祖像同昭下從之是年以朔獨太清宮詔亳州應
天府聖祖殿自京造像往波奉安及車駕至皆詣殿朝拜 七年詔南京
天慶觀聖祖殿宜號鴻慶宮仍設太祖太宗像西京亦曰天慶觀南京
別置鴻慶宮而天慶觀仍舊惟不改聖祖像其後定今臨州松閣四侯齊
尉藩鎮十項餘州七項或五項 八年正月程儀院言諸路天慶觀聖祖
殿其轉運司提點判獄官巡歷所到並奉執燒香長吏以下除天慶觀天
觀先天降聖節冬至三元日率州城內命官齊赴朝拜每封住得皆並先
詣觀朝謁及辭若觀內有三清玉皇聖祖北極殿並依次第列班朝拜知
州并殿燒香訖歸位再拜若聖像不在本殿聖像迎即候了日選吉日具道
門威儀官員掌執迎引奉安公私人各親瞻禮如軍會者不得升殿從之
三月江南轉運使曹谷言天慶觀聖祖殿將成慮臣僚不知道家典禮

每同朝謁多人正門馳驟乞並令門外下馬從之 國六月禮儀院請令
天慶觀主石利達置勅文事達及于碑陰刻官位定到欽祿付諸各候刻
了打本還納棧之 天禧元年五月一日禮儀院言諸州天慶觀常須清
潔止絕閑雜人出入勾當事官員使臣不得于觀內安下每遇五節三元
正冬寒食許士庶入觀燒香瞻禮不得升殿凡有道場設醮主令本觀遣
士舖排供養香火不得令諸色人升殿官員使臣不得乘馬入門先行私
禮將生州禁呵止如升殿朝拜並具施筭不得挾從人上殿及制作名目
入觀聚會飲宴如有士庶施錢就觀齋醮不得于國家起建通場處排
設外並許檢校鋪設供養次第即不得與朝處所降數同毋得過百二十
合者長吏常令檢視完葺即不得別乞添造舊觀宇倚傍街市喪葬之具
並須取路迴避不得觀前經過並從之 二十日知明州劉輝言諸州天
慶觀聖祖殿請自今長吏以下每到任得替泊朝望並齋潔親詣朝謁及
解使之 二年五月知陳州馮拯言當州建天慶觀工畢望下建綠沈遷
道流一人住持仍于本州戶稅或逃回內給充常住從之 仁宗天聖元
年九月知秦州陳堯咨言秦州城中古遺觀名紫雲宮後為天慶觀置殿
奉安聖祖像近又奉詔于城北更修天慶觀亦有聖祖殿其城北觀元是

古壽山寺最為勝迹昨因造觀據占三分之二緣當州司有大慶觀乞持
觀地依舊創壽山寺餘材木添修當州南山妙勝院況本院有天水池乃
國家祥聖宜宣示碑記從之其妙勝院內天水池今常安茂八年八月
詔如開都州天慶觀及寺院有在城外者官吏節序朝拜或國忌行香祀
畢開門坊廣管轄今後却盡監押巡撫軍員等不赴朝拜行香廣應二
年閏九月降臨州軍人慶觀所賜田稅 皇祐三年八月十四日詔真州
天慶觀先賜到西莊田土後來給與長蘆崇福禪院充常住宜令本路轉
運司給還本觀 嘉祐元年四月八日臣蔡卞天下州軍天慶觀聖
祖像有像泥塑者並今今屬計置改先漆布塑像物料工直並置造銀
花瓶並以像首銀花殿牌皆以金字其餘榜在嚴潔恭肅以稱尊祖敬宗
之意從之 大觀元年四月十六日經部言修立諸天慶觀合贊聖祖
殿供養之物給知事道士一人主守滿一年無曠失聽度係帳道童一人
如有曠失即差人承替制理年限從之 政和四年正月二十日詔天下
知州軍監寺處天慶觀每年得賜紫宸一道 五年十月二十三日詔大
名府天慶觀殿宇今大名府路安撫使姚祐修建轉運司應創什物今後
充依製造卿前主簿所製造從 祐請也 十一月十八日中書舍人陸

聖旨諸州天慶觀興建成久及聖祖殿率多損陋楊保乞量賜度牒隨宜
增葺詔諸路轉運司各具本路州軍夫慶觀合修葺處申尚書省 七年
正月二十二日詔諸路州縣官吏每遇朝拜天慶觀並先詣昊天玉皇上
帝殿次詣聖祖殿 宣和三年十一月十四日詔諸州天慶觀今後不許
建置祠堂 五年六月二十一日詔諸路天慶觀行香朝拜今後止許于
正三門外上下馬 无光皇帝紹興七年閏十月二十四日臣僚言伏觀
四月二日指揮太廟殿宇可賜恩安府无光聖祖殿臣恭惟本廟推尊聖祖
肇自祥符止于天慶觀建置殿宇奉安以示一時崇奉之儀仁宗纂承以
來五聖百年雖行不易惟臨安府天慶觀聖祖聖像并殿宇同因兵火燒
燬若因舊修立宜無不可今朱子賜太廟以為聖祖殿在理實有未安乞
斷自宸衷遷還成命從之 二十六年三月二十七日太常寺言本朝興
故內大中祥符五年十月二十四日聖祖降于延恩殿于聖祖坐而糾致
六位天尊就坐有六人揖天尊而後坐詳定所請以玉清昭應宮後殿
為聖祖正殿金銅鑄聖像西針設六位侍從一如延恩殿所見之儀仍增
金童玉女詔天下州軍府縣並于天慶觀置聖祖殿其尊像侍從金玉清
昭應宮主式詳定所宜具六位仙官望今編修道藏所添入照位及于聖

祖殿設像仍令玉清昭應宮并聖祖畫像同降階坐從之又錄到聖祖九
司司命係生天尊降臨祀照得天尊在齋衣服如道像中元始天尊有六
人皆束玉珪其中四人冠額天尊冠無起坐紫衣服者同二人冠通天尊
服緯紀天尊就坐六人躬捧天尊就坐天尊坐側有四真人二童子分
西侍立侍坐者各有一童子于本寺今欲依制度并所設次序塑像今諸
州軍通宜措置施行不得差殊務從昭依 先是右朝請大夫知澤州同
銀昭滿州人度觀聖祖殿神御位次多或不同有失宗奉之意乞下禮院
講究元本制度至是條具行之

宋會要

集禧觀舊曰會靈真宗大中祥符五年九月詔修玉清昭應宮使丁謂等就南薰門內奉節致遠三營地及填乾池之西編建觀以奉五岳帝又命內侍鄧守恩監修仍作保康門於朱雀門之東又作延安安國二橋南開街與觀北門相直 七年九月詔名觀曰會靈東西門曰左右嘉應後門曰昭福獻殿曰延真靈寶天尊殿曰崇元齊殿曰祝禧其月十九日上梁命宗室宰臣觀之許士庶觀看者三日賜百官休一日 八年四月修景靈宮使丁謂言會靈觀頌記及延真殿五岳殿額乞御製即書從之 五月詔會靈觀池以凝祥為名園以奉靈為名即舊池也又導惠民河注之十一月十日御書殿額自正陽門設儀仗僧道咸儀教坊作樂迎導赴觀又許士庶燒香三日賜文武百官假一日 十一日奉安尊像挂額車駕幸觀焚香宴從臣於祝禧殿復詣凝祥池觀醮殿修蓋太祖所建池殿舊址也真宗令增崇之至是而成賜工人役徒緡帛有差初欲與景靈宮同日上梁帝以崇奉之禮不可畧也遂令先後異日 十二月命丁謂齋宿會靈觀五殿建為民祈福道場每季皆准此著為定式 九年正月幸會靈觀前一日所司預於齋殿陳設及設從臣幕次又於諸殿東廊各設御

恆備禱位香案諸殿崇元殿三門道場各設禱香案如儀是日帝服鞞
袍輦如本觀修宮使已下拜起居前導赴三門道場焚香如常儀從官陪
位次詣東岳殿陪位官班定修宮使奏請皇帝赴殿焚香即前導至東階
上褥位請皇帝再拜從官皆再拜皇帝三上香又再拜復導皇帝還褥位
禮直官引宰臣一員升殿上香歸位再拜皇帝又再拜畢詣諸殿並如東
岳之儀歸御齋殿進膳從官賜食如儀自是朝拜之儀著為令式 二月
令會靈觀每朔望三七正室寒食上巳三元許士庶焚薌著為定式五月
觀成車駕親詣酌獻凡延真殿虛其中啟殿於此設立次則五殿差布正
東東岳天齊仁聖帝正西南嶽司天昭聖帝正西西嶽金天順聖帝次東
北嶽安天元聖帝皆相對面西嶽北嶽稍退中位中天崇聖帝又稍退每
殿二夾東嶽佐命曰羅浮山拔蒼山南嶽儲副曰霍山潛山西嶽佐命曰
睇山北嶽佐命曰河逢山抱犢山中嶽佐命曰少室山武當山皆設真君
像殿廊各圖山岳形及得道事迹崇元殿設靈寶天尊像二夾殿設中茅
小茅君像觀西端別有小池中建鴻福殿扶桑大帝賜谷神王淵淵龍王
像每歲春秋具祝文祭賽 九月會靈觀使陳彭年言請本觀每月朔開
觀一日上元清明節各三日中元下元節各一日從之 天禧元年十二

月詔刻五獻帝玉寶令會靈觀使王欽若奉上以汾陰歲加歲帝號有冊
無寶故也 仁宗慶歷四年七月十二日詔會靈觀延真殿已奉安玉皇
玉虛聖祖及三聖真容令皇城司不得放入臣僚皇親乘騎鞍馬及諸色
閑雜人并牽鞍馬入殿庭內 皇祐五年正月會靈觀火尋重修至六月
成詔名曰集禧初觀火即舊址西偏復建一殿內祠五歲名曰奉神殿蓋
取真宗嘗著奉神述也因命知制誥蔡襄重撰真宗御書故本立石於東
廡名曰神藻殿仍令襄書殿額又以靈應真君殿為靈福殿令王洙書額
至和元年六月二十三日詔名齋殿曰潔誠園曰芳華 神宗熙寧二
年閏十一月二十三日詔集禧觀神藻殿奉安唐葛周三真君仍取真宗
皇帝御集之字令於天章閣收掌

宋會要

萬壽觀 淳熙三年八月八日詔萬壽觀殿宇令臨安府每月檢計損動去
處修整二十三日詔修整萬壽觀殿宇前期奏告告遷十三年四月二十
五日詔萬壽觀減副知一人手分一人兵級庫子二人院子二人軍兵一
十五人以司農少卿吳煥兼職兄食下教令所裁定故有是命 十四年
十一月二十日詔大行太上皇帝御書介福殿牌及丁亥本命聖像萬壽

觀本命相屬并星官位牌徽於本殿內收奉並住香火以萬壽觀太一宮
申請大行太上皇帝升遐所有本殿崇奉本命星官朝夕香火合與不合
崇奉下禮部太常寺勘當逐處檢照禮經及典故別無核載故有是命
淳熙十六年二月十四日萬壽觀言皇帝本命純福殿見安奉至尊壽皇
聖帝丁未本命星官位牌乞依禮例設置皇帝丁卯本命星官位牌一處
安奉每遇至尊壽皇帝帝皇帝本命日依例用本觀道士一十人就本殿
作道場一晝夜設醮一百二十分位皇帝聖節亦乞依會慶聖節體例從
之 三月十七日本觀言將來安奉高宗皇帝神御附宮崇奉日及見安
奉諸殿神御遇旦望節序生忌辰乞並依景靈宮體例排辦從之 五月
五日本觀言見樞安奉會聖宮及應天啟運宮祖宗神御將來高宗皇帝
神御二位赴宮奉安合添蓋殿宇設置帳座乞下禮部太常寺令臨安府
添蓋逐處相視得本殿係是東向其殿北壁別無地段增展今欲于殿南
壁增展添蓋殿宇臨安府打量並展向南壁去拆廳庫界牆展套地步以
南接連蓋造殿屋挾殿屋各一間并拆移殿門三間廊屋七間向南一丈
四尺蓋造乞令本觀俟修蓋畢奏告告遷安奉以南為上於北壁空留二
位將來安奉高宗皇帝神御從之 紹興五年七月十八日萬壽觀言皇

帝本命純福殿安奉太上皇帝丁卯相屬座并本命星官位牌今皇帝戊子相屬并本命星官位牌乞依此設置同處安奉以祝聖壽及每遇太上皇帝皇帝本命日依例用道士一十人就本殿作道場一晝一夜設醮一百二十分位皇帝聖節亦乞依崇明聖節體例從之 慶元二年二月二日本觀言將來安奉孝宗皇帝神御祔宮崇奉日遇旦望節序生忌辰乞依諸殿神御體例排辦從之 四日本觀言見雄安奉會聖宮應天啟運宮祖宗神御將來孝宗皇帝神御二位赴宮奉安合添蓋殿宇設置帳座等乞下禮部太常寺令臨安府相視添蓋施行 一將來添修殿宇依自來例奏告告遣設殿神御權於前正殿內奉安俟修造畢却行依舊並從之

宋會要

政和元年八月八日詔天下宗寧觀並改作天寧觀壽觀 四年四月二十四日詔福州天寧觀置道教一截以政和萬壽道藏為額 七年二月十三日詔天下天寧萬壽觀改作神霄玉清萬壽之宮

宋會要

徽宗崇寧二年十月一日御史中丞石豫言伏見宰臣蔡京等以天寧聖節詣天下州軍各賜崇寧寺額此實上廣災肅之澤共伸天保之報區區

小臣均作是念伏望特降睿旨許天下置觀此類寺額亦乞以崇寧為名
詔節鎮州許置崇寧觀餘依崇寧寺已降指揮 三年二月八日詔崇寧
寺觀上添入萬壽三字 三月一日詔崇寧寺觀各給田十頃以天荒等
田撥充 四月十九日知河南府范致虛言杭州請以崇寧觀為皇帝本
命殿賜名天保殿仍乞賜御書碑額乞諸州亦依此以御書石本頒賜摹
勒泥金揭之殿宇從之 六月五日詔監司所在州如崇寧觀在城內者
每月旦日許同本州官屬恭詣燒香及巡按所至州城非時亦恭詣本觀
燒香點檢不係監司所在州軍知通集官屬同詣燒香 四年五月二十
五日詔諸路人戶捨田土頃畝在崇寧寺觀與免納役錢 十一月七日
敕應諸路州軍崇寧寺觀所賜田並免稅 五年四月七日詔諸崇寧萬
壽觀朝拜並乘馬於殿門外上下帶入殿人從不得過三名入元符儀制
令 大觀四年五月十四日臣僚言崇寧寺觀賜田并人戶願捨田土役
錢並免俱為官法詔禮部剗刷關戶部改正 六月十五日復詔崇寧萬
壽觀官賜田土並依天慶觀例免出役錢

宋會要

寧壽觀係寧壽院紹興二十年六月二十七日詔臨安府七寶山三茅堂

賜觀額

宋會要

乾道四年五月二十六日詔台州崇道觀西白雲菴以白雲昌壽觀為額以崇奉皇帝本命香火故也其後建皇帝本命殿詔以洪慶殿為名

恭順將軍
軍查宋史
玉海未見
後攷

宋會要

附廟

恭順將軍廟 廟在黃陂縣東嶽行宮安定使者壽皇聖帝隆興元年八月封恭順將軍 大典卷一百三十一

全唐文

中興禮書

親饗先農耕藉 紹興十四年十一月十二日臣僚劄
子言臣聞藉田之禮尚矣國朝自端拱初固嘗親耕帝
藉以先天下累聖丕承允為成憲方今朝廷清明邊鄙
靖謐伏望明詔有司講求祖宗故事斟酌其宜躬行三
推之禮昭示勸農之意詔令禮部太常寺討論典故申
尚書省 十五年正月十九日禮部太常寺言今討論
藉田之制以千畝為限前世即於東郊乃諸侯之禮元
豐中始度中地國南以合先王之制廣袤少畝溝洫防
列農壇宮人徒官屬莫不備設迨至秋成藏之神廩深

盛酒醴於是乎出下至葉枯用以養牲凡蒞及果蔬之
屬歲時所以供祭祀者皆足給於此徽宗皇帝是是禮
文政和新書品式具載今欲舉而行之豈維其時仍乞
下臨安府就行宮之南標撥田畝俟相視到地段可以
營建即從禮部太常寺參酌前項典故申請施行詔令
臨安府踏逐地段申尚書省正月二十二日知臨安府
張澄言
前長城南國廬相近路遙人戶凋絕并水田打量得東
西折長四百八十二步南北折闊二百四十步已上積
計一十三萬六千八百八十八步今併畫國呈候指揮
詔令張澄
措置二月二十一日知臨安府張澄言今和買到人戶
園池并水田地充措田合行蓋造思文殿觀耕臺神
倉等屋宇及親耕地步伏望朝廷下禮部太常寺指說

修蓋施行詔依三月二十六日知臨安府張澄言依奉
指揮修建藉田伏乞令太史局先次擇日下手興工施
行詔依四月四日詔藉田殿宇內不須蓋造止依南郊
例臨時設幕殿九月十四日禮部太常寺言契勘藉
田係專一供奉祭祀天地宗廟社稷等禮料有所餘地
段並合作水陸田今欲乞令臨安府所委官將見在地
段并水池一就隨宜措置修治施行 一檢照國朝會
要并有記到藉田合種植物色黍稷稻粱大小豆及
五大小麥黑豆菱芡秫苈韭菁蒲白菰菜燎草蕭蒿茅
脂麻桃棗梨瓜竹筍櫻桃 一有記到合撥地段水池
水田陸田果園菜園菱池竹園蒿地茅地詔依十月二

十九日禮部言准都省送下太常丞王湛劄子乞討論
將來親耕車駕耒玉輅以耕耨車載耒耜并乞遵用政
和新儀等後批送禮部看詳本部下太常寺次第取索
看詳指定欲依政和五禮新儀以象輅載耒耜仍依宣
和已行禮制以儀仗二千八人護衛耒耜質明先詣壇所
是日車駕服履袍乘平輦詣思文殿進膳畢服通天冠
絳紗袍行親耕之禮兼勘會耕藉使依故事服朝服耒
車本品鹵簿所有車乞下所屬製造儀仗乞下兵部於
見管儀仗內就用其餘合行事件乞令有司各檢照五
禮新儀并宣和禮制參酌申請施行詔依主港劄子二
一檢會五禮新儀車駕諸藉田耒耜耕耨車左輔奉耒郭
載以象輅列于仗內而會要又載政和八年正月八日

[illegible]

日中書門下有言將來紹興十六年春親耕藉田詔令
學士院降詔十一月十七日詔門下朕厲精庶政撫世
多虞念稼穡之艱難欲黎元之給足當食而嘆靡敢違
寧今茲休兵息民流徙還業然而田疇未闢游惰尚多
豈其三農失職而訓勉之道有未至歟仰惟前代親耕
藉田為天下先醴酪棗棗於是乎出敦龐朴固于是乎
成使耕興耨者知所勸向朕甚慕焉迺飭攸司經營千
畝其以來歲之春祇祓青壇載黛耜躬三推之禮以風
示於四方庶幾力穡服田仰事俯育興於禮義以致丕
平顧不偉歟播告遐邇咸知朕意 同日上謂宰臣曰
先皇帝藉田亦不每歲常講務使勸農不必多修屋宇

但只蓋席屋事畢撤去底不至騷擾 同日禮部狀准
都有批下權工部侍郎錢時敏等劄子勘會製造親耕
耕藉使所乘車承太常寺檢會到禮制象車以象飾諸
末朱班輪八鸞在衡左建旗右載間戟駕馬四楨上設
香爐香寶錦帶其輪衣簾旗韜杠絡帶繡文施以鸞駕
馬皆有銅面挿羽鞞纓攀背鈴拂緋絹厩紅錦色尾所
有合造名件樣制令幹辦祇候孫援指說製造施行今
據係援依太常寺供到象車制度合高一丈五尺闊
一丈畫到草樣伏乞朝廷指揮批送禮部下太常寺看
詳所畫象車樣依得禮制別無不同并圖本劄下工部
依着詳列事理施行

十一月二十六日禮部太常寺狀
准錢時敏劄子據孫援中已造象

車輪上緣係高一丈五尺今未增值下形勢不相稱欲于三
重輪上增一尺五寸五分即別無連殿乞申明行下
之申終尚伍三尺七寸五分即別無連殿乞申明行下
製造并小樣創送禮部太常寺官同共自視今同共
視得所造象車小樣依所增尺寸製造成依得禮制別無
違碍所有符背并平盤踏道上褥子及並用紫綵下工
部禮部太常寺行二十二日禮部太常寺言將來親耕
看視到事理施行
今具申請下項 一依宣和禮制親耕三日司農以青
箱奉九穀種蒞之種進內前二日皇后率六宮獻於皇
帝受之于內殿前一日降出付司農寺以待耕事故乞
依工件禮例施行 一國朝舊制合用盛九穀種箱係
竹木為之而無蓋兩頭設撞飾以青色中分九隅設一
種覆以青帕欲乞令工部指揮所屬計會司農寺製造
一國朝舊制三公三少宰臣親王各五推今欲乞依

宣和禮制令三公三少宰臣親王使各行五推之禮舊
制九卿諸侯以左右僕射六尚書御史大夫攝各行九
推今欲依宣和禮制令執政官并侍從兩省臺諫各行
九推之禮庶人終畝詔依 二十三日禮部太常寺言
今參酌國朝禮例并首記宣和禮制條具合行申請事
件 一依國朝已行禮制合造御耒耜二具并耒並飾
以青色制如農人所執事畢內中收之係少監製造付
太僕寺所有將來親耕御耒耜二具并耒耜係成耒耜今
欲乞令工部指揮所屬計會司農寺有記在京耕耜例
製造付司農寺送納於親耕前兩月畢備十御耕牛牛
合用青牛四其牛衣以青色欲乞下兩浙轉運司措置

收買如委無青牛乞用黃牛代以青羅夾衣蓋搭於親耕前五十日到行在交割付騏驎院養喂祇備教習事畢付籍田司收養 一從耕官每耒耜合用牛二頭今耒從耕耒耜三十具合用牛六十頭准備牛一十頭乞令兩浙轉運司預行計置 一依宣和禮制庶人百人耕終畝並青衣耕牛二百頭竊緣今耒耜田地步與在京不同所有牛數亦多計置不及今欲乞依端拱明道禮制止用庶人四十人耕牛八十頭仍乞下兩浙轉運司預行計置其庶人所服青絹衫并青帶子乞令工部指揮所屬製造其牛候事畢給還元處 一從耕官耒耜三十具庶人耒耜四十具并合用鐮一十具

以木耜為月耜

二十具今欲乞令工部指揮所屬計會司農寺製造詔
依二十四日禮部太常寺言今省記參酌宣和親耕
禮制條具合行申請事件 一合製造御耕立牌一面
書御耕三推至此六字又皇帝位三字位版一面并係
青飾金字 一合用公卿從耕立牌二面並係黑漆白
地黑字內一面書五推至此四字一面書九推至此
字并合製造從耕并侍耕群官位版五十片黑漆并乞
令工部指揮所屬計會太常寺製造詔依 二十七日
禮部太常寺言將來親耕行禮儀注今欲乞依例從御
史臺閣門太常寺同共參酌修定申請施行詔依 閏
十一月二日兵部言將來親耕耜田依國朝會要內該

載宣政間親耕禮制係耕耜使以儀仗二千人護衛耒耜先詣壇所今條具合行事件 一儀仗二千內除太常寺鼓吹五百九十八人外一千四百二人係就用見管黃麾儀仗其合用執擎儀仗人并馬欲乞下殿前司及左右金吾街仗六軍儀仗司差撥內合用金吾上將軍二員以左右街仗司監官充攝大將軍二員將軍四員以殿前司將官充攝 一執擎儀仗人兵合前期教習排立閤棧欲候殿前司等處差撥到人同太常寺鼓吹於候潮門外大教場內教習 一儀仗合親耕前一日於皇城南門外宿仗是日質明護衛耒耜先詣壇所 一禮兵部太常寺狀今來所修耜田地步比之在京

不同所用儀仗二十人竊慮難以排列今欲乞隨宜減
半用一千人護衛耒耜其儀仗排立一節亦難於思文
殿內外排立合隨象輅止於耜田門外排列宣和親耕
儀內亦無該載殿內外排立儀仗之人詔依 六日兵
部言准勅將來親耕耜田乞依政和五禮新儀以象輅
耒耜儀仗護衛所有合行事件乞合有司各行參酌
申請施行今契勘將來親耕除輦輿御馬等物依四孟
例排辦已行足備外今開具下項 一將來親耕車輅
經由道路門橋高二丈五尺濶一丈八尺轉彎掉圓地
步五丈自本院直南入皇城北門經由南北宮門裏出
皇城南門至壇所一帶道路門橋多是坑坎及有窄隘

去處欲乞下臨安府如法修治務令平實 一將來排
辦象輅欲乞依例前半月於候潮門外大教場內教習
及應奉前五日將象輅教習車裝載重物五千觔嚴試
經由道路門橋三日 一象輅下合用駕士天武官一
百五十人內可喝人員二人如不足於諸軍貼差及亦
馬三十疋管轄將官一員下殿前司差合用教馬官一
名下左右騏驎院差合用推輪車子官健八人下御輦
院差 一隨輅諸作工匠今乞於文思院上下界軍器
所差撥排辦象輅所有隨輅雲梯油帕合破擡擎兵士
一十人下殿前司差就令本司於幕側側近安設兵幕
二十座令車輅下祇應人并駕士人馬宿泊 一將來

親耕象輅裝載耒耜係前一日閱報皇城司經由大內
至壇所及應奉前五日將象輅教習其人馬出入牌號
并應奉了畢象輅下人馬等却令經由大內歸院所有
一行人至時祇應關借勅號下皇城司支給放令出入
事畢送納 一排辦車輅人物等依例合差兵駕部郎
官二員總轄點檢綠庫部排設儀仗已申乞差見今兵
駕部郎官二員點檢所有駕部前項職事乞就差逐官
總轄點檢其合差職掌五人亦乞依例差詔依同日兵
部言耕藉使用本品鹵簿儀仗太常寺契勘耕藉使品
依王公依政和五禮新儀共用六百八十八人係庫部
儀仗太常寺鼓吹駕部織扇車乘下駕士等揆成上件

人數本部契勘緣地步與在京不同欲以一半用三百
四十四人詔依 八日禮部太常寺言續次參酌下項
一依宣和禮制從耕官侍耕陪位官并執事縣令並
服朝服執事人各服法衣兼有記宣和年親耕行禮其
應奉官亦服朝服今欲乞依禮制施行 一侍耕陪倍
官乞從御史臺閣門合行參酌申請 一依宣和禮制
助執耒耜人三公三少宰臣使相親王各三人執政官
各二人餘從耕官各一名並服絳衣介幘以明習農耕
者充乞從太常寺具合差人數報兩浙轉運司 一依
宣和禮制文武從耕侍耕執事官如不係從駕官并畿
內諸縣令及耆老庶人其日候車駕將至耜田並於耜

田外立班再拜奉迎今欲乞依禮制施行詔依 九日

禮部太常寺言今依國朝親耕禮例并省記在京親耕

合差官數內耕耜使一員係降勅差三公宰臣充詔依

十二月十八日都府有司子孫會昨郊祀大禮差五使當

時不曾置司其合耕耜子孫會昨郊祀大禮差五使當

合耕耜田已左耕耜子孫會昨郊祀大禮差五使當

十一月十日禮部太常寺言今有記宣和間親耕應奉

過節次樂曲下項 一親耕日合排設登歌宮駕大樂

其合用樂曲詞章皇帝出大次歸大次及親耕並宮駕

奏第一章乾安之曲皇帝升壇降壇並登歌奏第一章

乾安之曲公卿耕耜宮祭作第二章群官耕耜宮駕作

第三章 一親耕日護衛耒耜用儀仗鼓吹前後部諸軍

樂人祇作合用曲詞導引六州奉禮十二時四曲已上
二項乞下學士院製撰降下付太常寺習學詔依其例
降同日禮部太常寺言續次奉酌宣和禮制并條具合
行事件 一依宣和禮制親耕日命有司饗先農其行
事官并祇應人合前一日赴祠所致齋綠今來耜田內
未曾修蓋齋宮今欲乞令臨安府踏側近寺院充 一
宣和親耕禮制其所差從耕庶人并助執耒耜人等並
期前于天駟監每日草習今欲乞親耕前半月就耜田
草耜習 一親耕已依禮制申請下兩浙轉運司計置
從耕庶人并執耒耜人欲乞從太常寺據合用人數報
臨安府差詔依 十二日秘書少監兼權禮部侍郎游

操等言檢會明道二年二月十一日親耕禮畢皇帝御
青城受禧殿百官稱賀畢乘輦還宮復御正陽門肆赦
今欲依宣和禮制候指揮詔依宣和禮制施行十五日
禮部太常寺言今續參酌條具下項 一依五禮新儀
尚舍設御座於藉田思文殿當中南向設東西閣於後
殿之左右殿上前楹施簾并觀耕壇上南向設御幄御
座及文武群官次於思文殿門外之左右契勘今來思
文殿門外地步窄隘欲乞於藉田門內外之左右量地
之宜依上件禮制令儀鑾司同臨安府預先計置排辦
一依宣和禮制尚舍設黃道并黃羅褥今來欲乞令
儀鑾司排辦 一有記合差助執御耒耜御龍直一十

二人服平巾幘絳衣革帶履鞬合欲乞殿前司前期差撥所服平巾幘等令於祇候庫閤請一省記合差撥御未耜箱九穀青箱天武官二十人服平巾幘青羅繡對鳳嘉禾合總衫白絹抹帶今耒乞下殿前期差撥其中幘等如祇候庫閤乞令工部指揮所屬製造一今耒所差從耕廩人并助耒耜等人及所用耕牛雖已申請前一月教習慮恐至時宮架登歌之樂作却致驚懾令欲乞從太常寺於正習儀前定日就藉田作樂教習三日一依儀設從耕群官位合用僮位版兵士一十人欲乞下殿前司差一依宣和禮制耆老百人常服陪位今欲乞依上件禮例令臨安府行下諸縣呼集

於正習儀前五日到臨安府祇備習儀 一依儀盛御
耒耜合用青箱二面條飾以青耜耒耜席一領以青絹
緣並乞令工部指揮所屬製造詔依 十六日禮部太
常寺言檢會明道元年太常禮院言耜田所須牲牢禮
物等請詔內侍計會所司先期辦置詔內侍劉守一等
主之宣和間親耕其所差都大主管官條差入內內侍
省官張道濟所有將來親耕其所差都大主管官一員
乞差入內內侍省官充詔依同日祕書少監兼權禮部
侍郎游樞等言太史局申選到 紹興十六年親耕日
辰宜用正月九日己卯十五日乙酉十六日丙戌十九
日己丑二十二日壬辰即與國音無妨礙詔用十九日

西曆十六年正月十七日太常寺言勅正月十九日
親耕藉田緣今雨降木止欲乞別行選日詔依又二十
日禮部太常寺言太史局申選定宜用正月二十
二日壬辰吉仍乞于前一日習儀次有誤詔依十七
日禮部侍郎游操又言恭覩國家蔚興文治始見太平
初講耕藉敦本力農風動四方事體非輕其合行事件
雖已依宣和禮制申請施行外欲望朝廷更賜指揮下
禮部太常寺討論參酌端拱明道故事庶幾中興禮得
以兼備詔依 二十一日禮部太常寺言准初游操等
劉子煥照端拱元年賜京城耆老八十已上者九十八
人衣帛有差將來親耕畢欲宣陪位耆老詣壇宣勞依
舊例賜束帛又明道二年大禮使言藉田禮希曠為日
已久比聞修舉內外翹屬况親屈萬衆本勸力農請下

有司令遍諭密近村聚俟御耕日特許父老鄉民觀望
盛禮勿令呵止從之詔依祖宗典故施行仍令禮部太
常寺討論宣勞傳旨合差何官申尚書有取旨禮部太
常寺今討論將來禮畢禮直官引耕耜使升觀耕壇詣
御幄前侍立至時宣勞欲乞依元會例差樞密一員詣
御座前承旨樞密都承旨一員於壇下承旨宣勞其合
用口宣乞令學士院修撰詔依二十五日禮部太常
寺言准令十二日詔令禮部太常寺討論象車合與不
合製造今討論依五禮新儀象輅載耒耜及依宣和禮
制耕耜使乘象車今參考端拱親耕禮制以耕耜車載
耒耜耕耜使不乘車今欲乞端拱禮制施行仍乞是日

耕藉使服朝服乘騎護衛耒耜行于仗內及用已定儀仗一千人質明先詣壇所以俟車駕自內服履袍乘輦詣藉田所所有象輅更不製造其合用耕耒車乞下所屬製造施行詔依 同日禮部太常寺言今討論下項

一將來親耕日享先農先降指揮依宣和禮制命有司行事今參照端拱明道故事親耕日係親享先農其牲牢禮料權視大祠今欲乞依故事施行 一享先農係中祠緣至日皇帝親行享禮止是牲牢禮料權視大祠其致齋日分設乞比附四孟朝獻禮例前一日齋於內殿有司不奏刑殺文書 一親享先農禮料籩實以麥苡栗鹿脯榛實乾蕪乾棗形鹽魚鱠糗餌粉粢豆實

以芹菊葵菁韭魚醢兔醢鹿醢醢豚拍飽食糝食簋
實以黍稷簋實以稻粱酒齊係用五酒每位一斗八升
牲牢共用羊豕各二詔依先是十一月二十日禮部太
和禮例親耕日享先農備中祠禮料今會將束視耕依宣
有司行事至是參照故事故有是請
太常寺言今續次參酌條具下項 一所有登歌宮架
之樂依禮例宰執同禮部太常寺官就都堂按樂乞令
禮部定日申朝廷 一勘會轉運司臨安府所差從耕
庶人并助執耒耜及陪位耆老合令禮部差主令太常
寺差使臣禮直官人吏贊者前半月指引教習所差執
耒耜人共三十人合服親衫帶子乞令工部指揮所屬
計會司農寺製造詔依 二十九日禮部言准都省批

下權工部侍郎錢時敏劄子將來親耕合用御耒耜等
今畫到宣和樣制各 本乞下禮官相度製造後批送
禮部今據太常寺看詳並合依樣製造外所有威九穀
青箱本寺已於畫到圖本內貼說其隨御耒耜耨欲製
黃羅袋盛貯詔依 十二月五日禮部太常寺言親耕
藉田日親享先農今參酌開寶通禮五禮新儀及親享
禮例條具申請事件 一依儀合設大次於外壇東門
之外小次於午階下西向綠今未思文殿去壇不遠欲
就本殿作大次所有小次於壇午階下西向乞令儀寫
司同臨安府排辦 一端拱明道禮制係用祝冊緣祝
冊係大禮儀制今欲止用祝文二首其詞乞下學士院

修撰

並送以親享先農親耕之意

前期書寫進書畢降付太常寺供

應

一依禮例皇帝行禮大禮使從今來親耕不差使

所有親享先農行禮欲乞比附前項禮例耕耜使服祭

服後從

一親享先農并親耕合差侍祠行禮等官欲

依禮例從太常寺前期具窠日申中書省降勅差內閣

門合差奏中嚴外辦等官乞依例令閣門具窠目申朝

廷降勅差

一今來不差五使即與大禮事體不同其

侍祠行禮官係行事左僕射以下所有前一日有牲省

饌并至日揖位欲乞令行事左僕射率侍祠官以下起

赴立班

一親享先農合用皇帝位版二面係黑漆金

字及位版腰輿見在太常寺收掌欲乞令工部指揮所

屬一就檢計雅飾 一依儀皇帝飲福受胙合差尚醞
與奉御并司尊彛官乞令翰林司依舊差官權攝 一
依禮例合差掌圭官并供冕服等官欲乞令入內侍
省差官 一臨安府所差從耕庶人執耒耨人及陪位
耆老并兩浙轉運司差助執耒耨人至日並合經由耜
田門至觀耕壇下所有太常寺至日應奉贊者執掌供
官樂工二舞并司農寺職掌並係升壇應奉人數乞報
皇城司關借勅入壇殿號 一令兩浙轉運司計置從
耕及庶人耕牛共一百六十頭前五十日到行在於臨
安府側近縣分養飼并前半月赴耜田教習欲乞令轉
運司專委官二員拘籍計置 一親享先農合用白羅

幌巾拭爵中二條并亞終獻合用白絹幌巾拭爵中二條各長六尺欲令戶部行下左藏庫支赴太常寺供應詔依六日禮部太常寺言今續次參酌到下項一親享日欲乞皇城南北門并南北宮門及內庭應奉官司經由門戶比常日早一刻開其利涉門候潮門早三刻開敕令經由出入一依禮例壇上設登歌樂中壇門外設宮架二舞欲乞令太常寺排辦一合差捧執籩豆簠簋等官并亞終獻盥洗官乞依例從太常寺具申吏部差待次臣一依禮例合前期教習執事官并應奉人贊者供官等欲乞於前一月內從太常寺定日於法惠寺作樂教習二日所有合用幕次什物乞令臨

安府排辦 一合差供祠執事內侍官并進徹飲福俎

捧祝等官並乞從太常寺報入內內侍省差官 一親

享先農依四孟朝獻例皇帝內殿致齋一日所有耕藉

使并行事執事官各前一日致齋有本司宿于本司無

本司者令臨安府踏近藉田側近寺院其陪位官依朝

獻禮例更不致齋 一合用登歌宮架樂章詞曲欲乞

令太常寺具節次報學士院前期修撰 一合用彩畫

宮架二料除見管外見閑彩畫宮架一料共二十四架

建鼓等六座欲下軍器所創行製造於按樂前赴寺送

納今太常寺供到狀竊慮日遠其宮架全行製造不及

器所造彩畫樂 一親耕所設登歌宮架大樂兵級八十

架二十四座

人已行申請乞下殿前馬步三司均差外所有親享先農行事添用登歌宮架大樂一料亦合差般運大樂兵級今欲乞下殿前馬步三司分差五十人前一月到寺候禮畢限十日發遣一親耕合用登歌宮架樂正樂工共二百三十四人除已申請外今未親享先農合添用二舞九十人兩項共計三百二十四人太常寺見係籍樂工止管二百六十六人自未係於教坊鈞容直差借竊慮逐處各有應奉相妨今欲乞下臨安府差本府樂人五十八人充數如不足乞從本寺拘收召募詔依同日戶部太府寺言據祇候庫申將來車駕服履袍乘平輦詣思文殿進膳畢服通天冠絳紗袍行親耕之

禮今具合行排辦事件 一合用薰穢御服龍腦乞下
左藏西庫選上等腦五兩前期供納 一供進禮衣條
前一日請降赴內中幕次日赴思文殿門外幕次鋪設
所有逐處幕次乞下儀鸞司釘設及合用熨貼御服熟
火乞下翰林司排辦合用燒燭一十條乞下雜買務收
取買 一合用熨貼裁縫作二名腰帶靴履頭冠面花
綾道雜釘戎具結條作各一名乞下御藥院差如闕乞
下文思院軍器所貼差共用頭面欲乞所有抬學合用
供內儀鸞八人乞下內東門司差其輦官乞下御輦院
差援衛引唱天武官三十六人乞下殿前司差 一進
掛御服撤御道并擡頭冠御衣箱官並乞下內內侍

省差銘依

紹興十五年十二月八日御史臺言今參

酌到申請事件

一耕藉日除從耕官外所有侍耕文

臣百官今相度欲乞用釐務通直郎以上及行在見任

寺監主簿承務郎以上職事官赴立班 一耕藉日

先親享先農所有文臣陪位官欲乞就用從耕侍耕官

陪位立班

一耕藉日皇帝乘平輦自內殿至祠所依

禮例從駕官合常服從駕至祠所各易朝服赴陪位

候禮畢次赴從耕立班如不係從駕官先赴藉田門外

常服還駕起居訖易朝服陪位次赴從耕侍耕立班俟

禮畢還內合從駕官易常服從駕還內 一本臺主管

班次引贊官知班應奉並合服朝服及更易常服報引

班次 一致齋行事官依已降指揮於藉田側近踏逐
寺院宿齋外所有文臣百官侍班幕次乞從本臺移文
臨安府儀鑾司於藉田門外外隨地之宜排辦 一依
禮例合差監察御史二員糾彈祠官不恭等事及依例
差監祭司手分三人行遣詔依 同日禮部太常寺申
將來親耕俟奏禮畢宣陪位耆老詣壇宣勞舊例賜衣
帛今檢照國朝會要止該載端拱元年賜京城耆老八
十已上九十八人衣帛有差即不言所賜衣帛若干數
目及是何官司主管給賜今相度欲乞令臨安府具已
差定陪位耆老一百人內若干人數係八十以上者申
戶部行下祇候庫省記舊例如本庫無舊人省記今本

庫擬定每人各賜絹若干申戶部取朝廷指揮右劄付

臨安府依所施行續祇候庫中今相度欲乞于親耕

帛絹二匹共給備絹二百匹乞下左藏庫支供赴庫

非辦應副至日給賜如有支使不盡數目今所屬柎收

詔依又都大主管所狀陪各合支賜絹二匹外未及八

其到八十歲以上一十人各合支賜絹二匹外未及八

言准都省批下戶部狀將來親耕合用九種黍稷秫稻

梁及大小豆麥每色各三斗據兩浙轉運司申數內秫

係河北出產號為造酒黃米今欲以粟穀充代梁係京

西河北出產號為梁穀米今欲以糯穀充代後批送禮

部同太常寺看詳欲依所申詔依 十二月十五日太

常寺將來親享先農及親耕耤田合差官下項 一親

享羞官侍中二員一員御前奏中嚴外辦并奏解嚴一員奏中嚴外辦并奏解嚴殿中建進接圭太常卿贊導奏請行禮太常博士四員一員贊引耕耜使一員贊引太常卿一員贊引亞獻一員贊引中獻行事左僕射中祗滌濯兼進幣爵酒亞獻終獻史部尚書以幣授左僕射禮部尚書祗滌濯有鼎鑊祗濯兵部尚書爲承俎并徹吏部侍郎二員一員受幣爵酒兼瘞祝幣一員盥洗進爵詣尊酌酒訖授左僕射刑部尚書實鑊水刑部侍郎增沃鑊水監察御史二員讀祝文官舉祝文官二員押樂太常卿太府卿設幣光祿卿巡牲并牽牲詣厨入實鑊三簋簋光祿丞牽牲詣厨兼饌造協律郎二員一

員壇上舉麾一員壇下舉麾奉禮郎設皇帝版位良醢
令酌皇帝獻酒太祝奉毛血槃并進搏黍太官令酌亞
終獻酒兼監視宰殺牲牢并搏黍等太社令設神位版
盥洗奉爵官四員吏部引俎饌奉禮郎吏部捧執籩豆
簠簋捧俎官一十六員吏部一親耕差官樞密觀耕
壇上承旨宣制侍中四員一員奉耒耜以進耕畢復受
及奏禮畢一員奏中嚴外辦并奏解嚴一員御前奏中
嚴外辦并奏解嚴一員奉御耒耜載於耕根車俟至御
耒耜以降授耜田令樞密都承旨親耕壇下傳旨宣勞
耆老太常卿二員一員贊導奏請一員押樂協律郎二
員一員親耕壇上舉麾一員宮架舉麾贊引太常卿太

常博士太僕卿設御耕牛司農卿二員一員宿設耒耜
於幕屋後耜田令解韜出耒授訖以授侍中耕畢復授
耜田令一員奉青箱種按之種詣耕所播之并奏省功
畢奉禮郎設御耕版位并設御耒耜席耜田令二員一
員候侍中奉耒耜橫執詣耕所置於席守之兼以青箱
授司農卿一員解韜出耒耜以耒耜授司農卿耕畢復
授耒耜納之韜以授執事者奉青箱官以青箱授耜田
令司農少卿二員一員帥庶人耕於千畝一員帥太社
令檢校終千畝太社令檢校庶人終千畝詔依 同日
閤門言親享先農并親耕合差奏中嚴外辦前導并奏
解嚴等閤門官四員乞朝廷降勅施行詔依 十二月

十八日御史臺閤門太常寺言將來親耕同共參酌合
行事件 一應奉官司久不舉行親耕典禮恐致生疎
今欲乞於正習儀前從御史臺定日開報前去藉田閱
習一次 一乞依宣和禮制於親耕前二日文武百官
并諸色應奉人赴藉田習儀仍乞是日百司作休務假
及禮部次日作歇泊假一日詔依 十二月二十四日
禮兵部言准都省批下權戶部侍郎王鉉等狀據祇候
庫中所造耕根車制飾如玉輅惟降二等以青為質而
無玉飾駕青馬駕士四十人契勘古制凡車駕引全用
馬力今來所造車止藉駕士牽拽與古不同兼五輅各
駕六馬尚用七十五人況根根車係用四馬若依古制

駕士四十人駕四十人駕引遲緩合比五轡用駕士七
十五人分攤下項小梯一名踏道四人托叉二人行馬
四人前後推竿各四人當轅馬七人內二人扳挑秉燭
臺四人牽踏路馬四人兩引索三十六人左右照管轅
轍二人引唱人員二人剪燭椀夾一名所有服著內駕
士七十三人武弁冠青纈對鳳啣嘉禾合穗青紬大袖
緋纈肩白獅子襯衫青絹夾袴青麻鞋青絹夾鞍人員
引唱二人小帽子瑜石骨朶紅纈練鵲衫白絹夾袴青
纈果肚金鍍銀束帶乞朝廷詳酌施行後批送禮兵部
看詳尋下太常寺車輅院看詳欲依祇候庫所乞差撥
製造施行詔依

同日權戶部侍郎王欽等言祿祇候庫
申契勘今來所造耕根車合差駕士七

十五人除引駕行馬路道燭臺北之小梯等外實有五
十一人惟駕綠絛由道路有地面磚石硬軟馬車去處
慮恐難以駕轎今相度欲乞下殿前司更添差兵級二
十人所有服着就結執候庫武弁冠青寶花大袖勳帟
袴鞋靴纓纓視衫准備十二月二十五日禮部太常寺言
臨時使車使用為依
今續次麥酌條具到合申請事件 一依儀親耕京畿
諸縣令率終畝庶人就位今來欲乞令臨安府諸縣令
充京畿縣令 一兩浙轉運司臨安府差耆老并從耕
庶人執耒耨人及助執耒耨人合於前半月習儀并至
日從耕排立逐處未曾委官拘集今欲乞令轉運司臨
安府各委官一員專一拘集俟習儀并親耕日交割付
四方館司農寺并太常寺引揖 一依禮例宰執以下
按樂合作休務假欲乞依例作休務假一日 一親享

先農日欲乞依禮例正習儀日爵站幣用悅中充代樂
用祝教所有親耕習儀乞依例作樂習儀 一合差招
擎御書祝文親事官四人乞下皇城司差於草習儀前
二日到太常寺祇應合用招擎祝文腰輿權於秘書省
閣借 一依已降指揮令禮部定日宰執同禮部太常
寺等官就都堂改登歌宮架樂續承指揮親享先農依
儀又合設登歌宮架二舞今相視都堂若止按登歌宮
架樂別無妨礙若更設二舞緣堂下難以安設乞改就
法惠寺仍乞令禮部定日申朝廷照會至日宰執同禮
部太常寺都大主管官就寺按樂 一合差招擎神席
燎草幣帛等腰輿兵士并招擎祭器法物等兵士各一

十人官押節並乞下殿前馬步軍司分差所有合破勅

入壇殿號乞從太常寺具數報皇城司支借詔依 十

二月二十七日四方館言准太常寺關親耕禮畢引者

老詣觀耕兩拜起居宣勞兩拜契勘八十已上賜衣帛

者躬候擡賜物過謝恩兩拜退詔依 十二月二十九

日禮部太常寺言將來親饗先農畢并行親耕禮已是

日高所有先農行事官親耕行禮官依指揮令諸司排

辦喫食外所有陪官喫食放下御厨翰林司排辦詔依

始興十六年正月十七日御厨奏准尚書有劇子令本

排辦親耕陪官喫食并從寓宰執百官喫食數多

尚御勝及親耕所承指擇排辦陪官喫食是

造作不前乞依郊祀人禮陪官喫食委是人

破第三等早食折支價錢入應批勅依十二月三十

日禮部太常寺言續行參酌申請下項 一勘會郊祀
大禮係祀昊天上帝皇地祇依儀皇帝行的獻禮讀冊
文官依令讀至御名勿與所有今來親享先農係中祠
依已降指揮牲牢禮料權視大祠欲令讀祝文 一親
享前一日皇帝齋於內殿依禮例有司不奏刑殺文書
其行事官前一日齋於本司唯享事得行其餘悉禁今
欲乞是日皇帝前後殿不視事仍乞百司作休務假一
日 一所用祝文依禮例禮部差人奉設合差職事八
人所有看上尊福酒合差膳部職掌五人依大禮例止
差四人仍於祠部主客兩曹分差並前期報皇城司關
借勅入壇殿號 一檢會國朝會要端拱舊制未報先

於民間假借習按所有將來親耕前半月於耜田教習
從耕庶人等合用真耒耜四十具欽令兩浙轉運司
行下所屬縣分假借事畢發還詔依 紹興十六年正
月二日禮部太常寺言親享親耕依已降指揮就耜田
前半月教習從耕庶人四十人助執耒耜人三十餘人
執耒耜人三十人殿前司差御龍直一十二人天武官
二十人并隨牛人等農人稍衆若不輪官前去監視切
慮生疎今欲乞初起教日令禮部太常寺司農寺官前
去以後每日逐處各輪官一員前去監視詔依 正月
六日閣門言准尚書省劄子文思院上界申契勘本院
製造絹花一萬朵准備將來親耕回鑾給賜乞朝廷指

揮下祇候庫閤門指定親耕有無合賜花朶行下閤門
契勘宣和藉田親耕回即不賜花今來係親享先農行
禮從駕臣僚等欲乞依作親享例賜回鑒花祇候庫狀
契勘回鑒賜花其合用花朶依指揮約度數目報文思
院造作準備詔依正月九日禮部太常寺言將來親耕
依已降指揮前半月教習從耕庶人執耨耨人助執耨
耨人尋於今月初三日為頭前去藉田當官教習數內
助執耨耨人三公三少宰臣親王使相各三人執政官
各二人侍從臺諫各一人庶人不差其所教牛今相度
欲每一耨耨下各添隨牛家人一名牽牛祇應並令服
介幘緋衫白絹勒帛起赴教習所有逐人各合服并勒

入壇殿號乞令轉運司具數報祇候庫皇城司聞請詔
依 正月十一日都大主管所言親耕耤田行禮執耨
歸三十人助執耒耜五十人從耕廩人四十人並係臨
安府等處差到農人今取到太常寺贊引使臣王彥龍
等狀契勘逐色人禮畢即未有支賜恩澤指揮詔王人
陪位者老例支賜 正月十三日臨安府府學生李良
等一百三十三人進狀伏觀皇帝躬祀先農親耕耤田
敦勸天下茲實朝廷莫大之盛典臣等切嘗稽考國朝
會要仁宗皇帝明道親耕帝藉開封府士人進狀乞與
陪位特可其請今陛下崇尚文德昭致太平同符仁祖
臣等苟不能抗章自陳無由仰觀鱗禮上負陛下教育

之意有愧明道之文欲望特降睿旨遵依明道故事許

令臣等陪位批送禮部正月十五日太常寺言檢典國

廣文閣開封府貢舉人上書乞陪位於壇以視典

從之契勘當未籍田條廣文館開封府舉人陪位即無

學生陪位立班立班即無典故難以施行正月十六日都大

主管所言准尚書省批下宗正少卿兼權兵部侍郎趙

子厚等劄子勘會親耕藉田已降指揮以儀仗一千人

護衛耕根車載耒耜前一日於皇城門外排立至日護

衛耒耜前去壇所緣今耒耜耕根車已製造了畢奉聖旨

候排設日取旨進呈所有護衛儀仗欲乞自製造耕根

車處護衛經由大內至皇城南門外排立合取自朝廷

指揮後批送都大主管所施行本所奏聞奉詔依同鼓

吹振作列呈內趙子厚綴王鈇等班起居 紹興十六

年正月十七日祕書少監兼權禮部侍郎游操等言勘
會親享先農并親耕禮畢緣係大慶典禮欲候禮畢許
耕耜使率行事陪祠文武官一班詣思文殿稱賀更不
致詞不宣答乞從御史臺閣門太常寺修定儀注申請
詔依 正月二十三日太師尚書左僕射秦檜言臣伏
觀皇帝陛下親耜耨田既畢三推臣以耕耜使職事請
以耒耜授有司皇帝不從臣又奏王者三推禮經舊式
皇帝宣諭力本務農出於誠心遂推至五至七至九臣
三請乃止伏乞宣付史館以光冊書詔依 正月二十
四日檜又言陛下耕耜過三推之數少勞陛下聖躬上

曰朕本欲終畝以卿屢奏乃止太宗朝每車駕出城宣集父老訪以民間利病况耕耤為農民之勸朕豈憚勞

正月二十五日以親耕禮成太師秦檜率文武百僚

詣文德殿拜表稱賀二月四日內降詔朕惟兵興以

來田畝多荒故不憚卑躬與民休息今疆場罷警流徙

復業朕親耕耤田以光黎庶三推復進勞賜耆老嘉與

世俗躋於富厚昔漢文帝頻年下詔首推農事之本至

於上下給足減免田租光於史冊朕心庶幾焉咨爾中

外當體至懷先美上宣諭曰將來耤田降詔雖語簡意足使民曉然知故本之意漢文帝勸農之

詔頻年有之不竭數十語親享先農耕耤儀陳設

當時民知務農遂使富庶前期儀轡駕司帥其屬設御座於耤田思文殿當中

南向設東西閣於殿後之左右殿上前楹施簾又於觀耕壇上設御幄南向設御座於幄內又就思文殿大次南向又設小次二一於先農壇午階下稍東西向一於觀耕壇酉階下稍北南向設文武行事陪祠官宗室及有司次次於藉田門之內外量地之宜設饌幔於內墻東北之外道北南向前享二日太社令帥其屬掃除壇之上下太常牽牲詣祠所次陳登歌之樂于壇上稍南向設宮架於壇南內墻之外立舞表於鄮綴之間前享一日太常設神位席太史設神位版帝神農氏位於壇上北方南向后稷氏位於壇上東方西向並席以莞結

畢權

徹

奉禮郎設皇帝位版於壇下小次前西向飲福位

於壇上稍西北向望座位於子階之西北向贊者又設
亞獻終獻位於小次之南稍東西向設太常博士位於
其後耕藉使并行事左僕射位於亞終獻之南行事左
僕射稍却行事吏部禮部兵部工部尚書吏部侍郎光
祿卿讀祝文官光祿丞位於左僕射之東光祿丞奉禮
郎傳奉太祝太社太官令位於小次之東北俱西向北
上監察御史位二並於壇下階之西南東向協律郎
位二一於壇上樂虞之西北一於宮架之西北俱東向
押樂太常卿位於宮架之北良醢令位於酌尊所俱北
向又設陪祠文武官位於執事者之南太常陳牲於東
壇門外西向祝文各位於牲後又設有牲位於牲西行

事左僕射在南北向行事吏部禮部兵部工部尚書吏
部侍郎押樂太常卿光祿卿讀祝文官光祿丞奉禮協
律郎搏黍太祝太社太官令在北南向西上凡設光祿丞以下位
皆指監察御史在吏部尚書之西異位稍却太常陳禮
饌於東墻門外道北南向又設有饌位版於禮饌之南
行事左僕射在南北向監察御史位二俱在西東向北
上行事吏部禮部兵部工部尚書吏部侍郎押樂太常
卿光祿卿讀祝文官光祿丞奉禮協律郎搏黍太祝太
社太官令在東西向北上太常設祝文於神位之右司
尊彛帥其屬幣篚於酌尊所次設邊豆簋簋之位每位
左十有一邊右十有一豆俱為三行俎二一在邊前一

在豆前又設俎四在豆右為二重登一在籩豆間簋一
 簋一在籩豆外簋在左簋在右又設尊砧之位每位著
 尊二壺尊二皆有罍加勺罍為酌尊太尊山尊犧尊象
 尊各二皆有罍加畢設而不酌又設籩豆簋各一俎
 各二於饌慢內設盤匝悅中於壇下午階東南北向供
 祠內時立於皇帝版位之後分左右奉盤者北向奉
 設亞獻獻盥洗於本位之南罍篚各設於左右皆內向
 執壘篚者位其後其日早太社令升壇殿神位版於壇
 上光祿卿帥其屬入實籩豆簋簋籩三行以右為上第
 行餽餌次之第二行榛實在前乾桃乾棗次之第三
 行棗在前苾蒹苾蒹苾蒹次之第二行以左為上第一行芹
 臨禋醴次之第三行豚伯在前虎鬻醴醴次之簋實以

上光祿卿帥其屬入賓蓬豆簋簋蓬蓬三行以右為上第
稷餌次之第二行榛實在前乾桃乾榛乾棗次之第三
行菱在前茭稟鹿脯次之豆第三行以左為上第一行芹
直在前荀蒹葵芷菁芷次之第二行韭芷在前鮑食魚
醯先醢次之第三行豚伯在前虎鷄醢醢次之簋實以

南少却並西向北上又設耕耤使後從位於御耕耤位
稍東南向設押樂太常卿位於宮架之前北向協律郎
位二一於壇上樂虞之西北一於宮架之西北俱東向
奉禮郎設御耒席於三公之北稍西南向太僕卿帥其
屬設御耕牛於御耕位之西稍北太僕卿位於御耕牛
之東稍前南向太常設登歌之樂於觀耕壇上又設宮
架樂於殿人耕位之南俱北向設侍中位於御耕位之
東稍南南向設司農卿位二一於侍中之後一於其南
耤田令位二皆於司農卿之南少退並西向北上奉青
箱官位於耤田令之後諸執耒耜者位於公卿者之後
執耒耜者之前西向又設殿人耕位於從耕官之南少

十步外

庶人四十人並青衣

耆老陪耕位之南並南向

耆老百歲並常服陪

位司農少卿位二於庶人耕位之前太社令位於司農

少卿之西少退俱北向畿內諸縣令位於庶人耕位之

東西向司農寺帥所司設從耕耒耜并耕牛等各設於

逐位前一日兵部帥其屬排列儀仗及耕耒車於皇城

南門之外如式

省牲器

省牲之日

太社令帥其

屬掃除壇之上下司尊彝帥府吏及執事者以祭器入

設於位

凡設祭器皆精以禮

直官贊者分引行事左僕

射以下詣東墻門外省牲位立定光祿卿丞與執事者

牽牲就位禮直官贊揖訖贊者引押樂太常卿入行樂

祭

凡至終獻

皆禮直官引

餘官皆贊者引

次引禮部

凡至終獻

皆禮直官引

餘官皆贊者引

尚書升自卯階祗滌濯

凡新事執事者次引左僕射申

祗滌濯執事者舉罍曰潔俱復位禮直官稍前曰告潔

畢請有牲次引禮部尚書稍前省牲訖退復位次引光

祿卿出班巡牲一匝西向躬曰充曰備次引光祿丞出

班巡牲一匝西向躬曰臚俱復位禮直官稍前曰省牲

畢請就省饌位替揖訖引左僕射以下各就位立定禮

直官贊揖所司省饌具畢禮直官贊有饌畢贊揖訖俱

還齋所光祿卿丞及執事者以次牽牲詣厨授太官令

次引禮部尚書詣厨省鼎鑊祗濯溉協律郎展祗樂器

乃還齋所脯後一刻太官令帥宰人以鸞刀割牲祝史

各取毛血實於盤俱至饌所遂烹牲太社令帥其屬掃

除壇之上下 車駕詣耜田 其日質明前侍中奉御

耒耜載於耜根車訖耕耜使乘騎後從行於仗內護衛

耒耜先詣壇所至耜田門外侍中奉御耒耜以授耜田

令耜田令授耒耜橫執之詣耕所置於席遂守之凡執耒耜者橫執之授耒耜則

先其耒耜授耒耜則皇帝自內服履袍出內即御座鳴鞭行

門禁衛諸班親從等諸司祇應人員以下於常御殿各

自贊常起居次從駕臣僚并應奉官於常御殿起居如

閤門揖訖先退以俟從駕俟皇帝自常御殿乘輦出行

宮南門侍衛如常儀至思文殿降輦歸後閣以俟行享

先農之禮 奠幣 饗日車駕將至耜田御史臺閤門

太常寺四方館分引非從駕文武陪位侍耕從耕執事

官畿內諸縣令及耆老庶人等並常服俱詣藉田門外
立班再拜奉迎訖退各就次諸享官及陪祠之官各服
其服太社令入設神位版光祿卿入賓籩豆簋簠太官
令入實俎良醢令入實尊樂正帥工人二舞以次入與
執尊罍篚罍者各就位御史臺先引殿中侍御史一員
先入就位次御史臺閤門太常寺閤門舍人等分引陪
祠文武官及宗室客執事使各入就位次禮直官贊者分引
左僕射以下行執事官官就卯階內墀門外揖位立定
禮直官贊揖次引監察御史按視壇之上下糾察不如
儀者退復位太常卿閤門官太常博士禮直官分立於
大次外之左右次引侍中版奏中嚴少頃又奏外辦太

常卿臣甚言請皇帝行事奏訖伏興還侍立太常卿奏禮畢

此麻卷皇帝服袞服以出侍衛如常儀太常卿以下前

導至內壇門外殿中監跪進太主太常卿奏請執太主

前導官前導皇帝入自正門侍衛不應入協律郎跪伏

伏舉麾興工鼓祝宮架奏隆安之樂皇帝升殿行止太

常卿以下分左右侍立凡行禮皆太常卿問門官太常

於左太常卿奏有司謹具請行事宮架奏靜安之樂儲

靈錫慶之舞三成止太常卿奏請拜皇帝再拜贊者曰

拜在位官皆再拜內侍取幣於篚立於尊所次引左僕

射吏部尚書侍郎升詣帝神農氏神位前立左僕射吏

部尚書俱面向北上侍郎東向內侍各執盤匱也悅中以

進宮架樂作太常卿奏請皇帝偕大主盥手內侍進盤
匱沃水又奏請皇帝悅手內侍進中皇帝悅手訖又奏
請皇帝執大圭樂止前導官前導皇帝升壇耕耜使升律耕耜使皆從左宮架樂作至壇下樂止升自午階
登歌樂作至壇上登歌奏嘉安之樂殿中監跪進鎮圭
太常卿奏請偕大主執鎮圭前導官前導皇帝詣神農
農氏神位前北向立內侍先設繅藉於地太常卿奏請
跪奠鎮圭於繅藉執大圭俛伏興又奏請偕大主跪內
侍以幣授吏部尚書吏部尚書以授左僕射左僕射西
向跪以進太常卿奏請受幣皇帝受奠訖吏部侍郎東
向跪受以興進奠于帝神農氏神位前左僕射吏部尚

一皆二
骨以並

次升承如羊皆設局罷祝史對舉陳於饌慢

內太常實籩豆簋簠於饌慢

籩實以粉粢或實以粉俟食簋實以梁簠實以稷

皇帝升奠幣訖還位樂止祝史抽局委于鼎右除幕加

七於鼎太官令以七升羊載於一俎

肩膊膂在上端肥胎在下端脊骨在

中次升承其載如羊每位羊承各一俎次引禮部尚書

詣饌所執籩豆簋簠以入兵部工部尚書詣饌所奉俎

以入太官令引入正門宮架豈安之樂作設於卯階之

下北向俟祝史進徹毛血槃出次引禮部尚書指笏執

籩豆簋簠兵部工部尚書指笏奉俎以升執事者各迎

於壇上禮部尚書奉籩豆簋簠詣帝神農氏神位前北

向跪奠執笏俛伏興有司設籩豆於饌前豆於醢醢

前簋於櫛前簋於泰前次引兵部工部尚書奉俎詣皇
神農氏神位前北向跪奠先薦羊次薦豕各執笏伏
興有司設羊豕俎於腸胃膚之前禮部兵部工部尚書
次詣后稷氏神位前奉奠並如上儀樂止俱降復位引
左僕射詣帝神農氏神位前西向立吏部侍郎東向又
引吏部侍郎詣皇帝版位前奉爵北向內侍各執盤匱
帨巾以進宮架樂作太常卿奏請皇帝搢大圭盥手內
侍進盤匱沃水又奏請皇帝悅手內侍進巾皇帝悅手
訖又奏請皇帝洗爵吏部侍郎進爵內侍沃水皇帝洗
爵又奏請皇帝拭爵內侍進巾皇帝拭爵訖樂止又奏
請執大圭吏部侍郎受爵奉爵升自午階前導引前導

皇帝升壇宮架樂作至午階樂止升自午階登歌樂作
至壇上樂止登歌奏禧安之樂吏部侍郎奉爵詣帝神
農氏神位前北向立太常卿奏請搢大圭跪吏部侍郎
以爵授左僕射左僕射西向跪以進又奏請執爵皇帝
執爵祭酒于三祭地奠爵吏部侍郎受虛爵又奏請執大圭
俛伏興又奏請少立樂止左僕射吏部侍郎先詣后稷
氏神位前內侍奉祝文進於帝神農氏神位之右讀祝
文官搢笏東向跪讀祝文讀訖執笏興先詣后稷氏神
位前南向立太常卿奏請再拜皇帝詣后稷氏神位前
酌獻並如上儀左僕射以下俱降復位前導官前導皇
帝還版位登歌歌樂作降階樂止宮架樂作至版位西向

宮架樂作將進次太常卿奏請祥太主殿中盥洗受太主皇帝入次

立樂止太常卿奏請還小次簾降樂止文舞退武舞進
宮架正安之樂作舞者立定樂止禮直官太常博士引
亞獻詣盥洗位北向立搢笏盥手悅手執笏詣爵洗位
北向立搢笏洗爵執事者執笏升詣帝神農氏酌尊所
西向立宮架作正安之樂嚴恭將事之舞執事者以爵
授亞獻亞獻搢笏跪執爵執尊者舉罍太官令酌壺尊
之盞齊訖先詣后稷氏酌尊所北向立亞獻以爵授執
事者執笏興詣帝神農氏神位前北向搢笏跪執事者
以爵授亞獻亞獻執爵祭酒于三奠爵執笏悅興與再
拜訖次詣后稷氏神位前行禮並如上儀訖樂止降復
位如初亞獻行禮將畢次禮直官太常博士引終獻詣

洗位及升壇酌獻並如亞獻之儀降復位如初皇帝既奠幣有司以羊左臂一骨及長脅短脅俱二骨以並載於胙俎設於壇上酌尊所俟終獻既升壇次引兵部尚書將泰太祝太官令詣飲福位東向立奉俎豆爵酒有各位於其後太常卿奏詣請飲福位簾卷出次宮架樂作殿中監跪進大主太常卿奏請執大主前導官前皇帝升自午階至壇下樂止皇帝升壇詣飲福位登歌奏禧安之樂皇帝至飲福位北向立尚醢奉御執尊詣酌尊所良醢令酌上尊福酒合置一尊尚醢奉御奉尊詣飲福位殿中監奉爵尚醢奉御酌福酒殿中監西向降以立太常卿奏請再拜皇帝再拜殿中跪以爵酒進

太常卿奏請攝大主跪受爵祭酒

三祭于地

啐酒奠爵殿中

監跪受爵以興太祝帥執事者持胙俎進滅神位前正脊二骨橫脊二骨加于俎上內侍受俎以授兵部尚書西向跪以進皇帝受俎奠之兵部尚書受俎以興退復位太官令取黍於簋搏以授太祝太祝受豆東向跪以進皇帝受豆奠之太祝乃受以興降復位次殿中監再跪以爵酒進太常卿奏請受爵飲福酒奠爵殿中監受虛爵興以受尚醑奉御執事者俱降復位太常卿奏請執大主跪伏興又奏請再拜皇帝再拜樂止前導官前尊皇帝還版位登歌樂作降階樂止宮架樂作至版位西向立樂止次引禮部尚書升壇徹籩豆兵部工部尚

書外壇俱少穆故處登歌歆安之樂作卒徹樂止

宮架樂作工部尚書俱降復位禮直官曰賜胙行事陪

祠官拜贊者承傳曰賜胙再拜在位官皆再拜送神宮

架奏靜安之樂作一成止望瘞靜安之樂畢太常

卿奏請詣望瘞位前導官前導皇帝詣望瘞位宮架樂

作至位北向立樂止初賜胙再拜訖吏部侍郎帥太祝

執篚進詣神位前取幣祝文及俎載牲體黍稷飯爵酒

降自西階詣瘞坎次幣祝文饌物置於坎內禮直官曰

可瘞有司官焚瘞寘土半坎太常卿奏禮畢前導官前

導皇帝還太次宮架樂作出內壝門外太常卿奏請釋

大圭殿中監跪受大圭以授有司侍衛如常儀皇帝至

天次樂止侍中奏解嚴引左僕射以下詣卯階之東內
壇門外揖位立禮直官贊禮畢揖訖退引陪祠文武官
及宗室以次出擁歸次以俟進膳畢次行耕耨之禮
耕耨 皇帝享先農行禮畢歸大次俟進膳畢侍耕從
耕執事官諸縣令及應奉官等各服朝服以俟行禮樂
正帥工人以次入次引諸縣令帥終畝庶人四方官引
陪耕耨者老先就位司農卿耨田令太社令奉青箱官諸
執耒耨耨者以次就位皇帝將入耕耨位御史臺引殿中
侍御史一員先入就位次御史臺閣門分文武侍耕群
官各就位次禮直官分引從耕執事官各就位凡耕耨
使侍中
從耕官司農卿耨田令禮直
官引餘官并庶人皆贊者引有司進輦於思文殿太常

卿閤門官太常博士禮直官分立於小次前次引侍中

版奏中嚴

凡侍中奏請皆伏

少頃又奏外辦皇帝服通

天冠絳紗袍乘輦以出思文殿降自西階宮架樂作至

小次降輦入次樂止禮直官太常博士引太常卿詣次

前北向俛伏跪奏稱太常卿臣某言請皇帝就耕藉位

奏訖俛伏興退伏位簾卷宮架樂作

凡太常卿奏請皆伏

興皇帝出次太常卿閤門官太常博士禮直官前導皇

帝至稱位南向立樂止禮直官太常博士引太常卿詣

皇帝稱位前俛伏跪奏稱太常卿臣某言請皇帝行耕

藉之禮奏訖俛伏興退復位禮直官引耜田令進詣御

耒耜席南北向禮直官次引司農卿詣田令之東西向

藉田令俛伏跪播笏執事者

謂太常寺司農寺職掌擬准此

以籍授藉

田令藉田令解韜出耒執耒興東向立以耒授司農卿

司農卿播笏受耒訖藉田令執笏稍退司農卿以耒耜

授侍中禮直官引侍中播笏執耒詣御耕位前少東北

向太常卿奏請皇帝受耒耜侍中執耒耜執耒者助執

侍中進訖執笏少退立皇帝受耒耜宮架樂作三推禮

耕藉使訖樂止侍中播笏前授耒耜侍中以耒耜復授

司農卿司農卿播笏受耒耜以耒耜受藉田令各執笏

退復位藉田令播笏受耒耜跪復耒於籍執耒興以授

執事者執笏退復位侍中受耒耜訖歸從耕位皇帝初

耕諸執耒耜者以耒耜各授從耕者禮直官太常博士

耕藉使

引太常卿詣御耕位前北向奏請皇帝升壇觀耕奏訖
復位立前導官前導皇帝升觀耕壇耕藉使歸宮祭樂
作至壇下樂止升自午階登歌樂作即御座南向樂止
太常卿閤門官太常博士禮直官立於御幄之前北上
禮直官從耕三公三少宰臣親王使相各搢笏執耒耜
宮祭樂作行五推之禮訖樂止執耒耜者前授耒耜各
執笏退復位次禮直官引執政官侍從兩省臺諫各搢
笏執耒耜宮祭樂作行九推之禮訖樂止執耒耜者前
受耒耜各執笏退復位次禮直官司農少卿帥庶人
以次耕于千畝自東至西復俟耕畢俱退復位訖禮直
官引侍中詣觀耕壇上御座前北向俛伏跪奏稱侍中

詣觀耕壇上御座前北向俛伏跪奏稱侍中臣某言禮畢奏訖俛伏興引降復位禮直官引耕籍使升觀耕壇卯階詣御幄前稍東西向立四方館引陪耕耆老詣觀耕壇下北向立先兩拜訖直身立初引耆老禮直官引樞密升觀耕壇卯階詣壇上午階上之東西向立次引樞密都承旨詣壇下耆老之前北向立禮直官引樞密詣御座前北向躬承旨退詣午階上之東西向立宣制訖退復位樞密都承旨躬承訖直身立轉身西向四方官引耆老躬承樞密都承旨宣勞訖耆老再拜訖樞密都承旨耆老皆退復位有司進輦於午階之下北向皇帝降座登歌樂作至壇下升輦樂止宮祭樂作至思文

殿後閣簾降樂止侍中奏解嚴侍耕群官等皆退青青
箱官以青箱授籍田令籍田令以青授司農卿司農卿
卿奉青箱種粒之種詣耕所播之訖次司農少卿帥太
社令陰氏給千畝次司農卿省功訖詣思文殿北向俛
伏跪奏司農卿臣某言省功畢奏訖俛伏興退所司攷
攷以俟皇帝常服還內侍衛如來儀